



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

IX. Secutus postremò exemplum superiorum Pontificum, vicarius istius publicationem mandavit. Episcopi Gallicani sueti erant imperio Episcoporum Arelatensium.

urn:nbn:de:hbz:466:1-15617

cundum morem antiquum. At si in examine provinciali causa illa non potuerit terminari, tum verò relationem ab Arelatensi antistite mitti ad sedem apostolicam, ut istius sedis auctoritate pax in Ecclesia retineretur, adeoque concordia revocaretur inter eos qui de religione contendebant.

VIII. Renovat deinde Vigilius privilegium quod à Zozimo Papa profectum, longa possestione firmatum, à Symmacho etiam confirmatum fuerat in gratiam Cæsarij. *Nullus ergo, inquit, de Pontificibus tua per has vi-ces ordinatione commissis, sicut & ad eos data loquuntur nostra preceptio, in longinquo quibuslibet locis audeat proficiere, nisi solenni more, sicut à decessore tuo nostro predecessore similiter concedente consueverant, formatam vestre caritatis accepimus.* In epistola autem generali scripta ad Episcopos in regno Childeberti constitutos, cuius mentionem in ista fecisse eum vidimus, sic loquitur de necessitate accipientium formatarum ab Episcopo Arelatensi: *Illud pari auctoritate mandamus, ne quisquam Episcoporum sine predicti fratris & cœpi copi nostri formata ad longinquo loca audeat proficiere: quippe quia & decessorum nostrorum decessoribus ejus, quibus vices suas libentissime contulerunt, sancte sic definiti jussiones.* Respicit itaque Vigilius ad rescripta Zozimi & Symmachi; qui, ut dicebamus, eam necessitatem jam antea imposuerant Episcopis Gallicanis.

I X. Videbat Vigilius necessariam esse literarum istarum publicationem ut sua Arelatensi antistiti dignitas & auctoritas constaret. Itaque praedecessorum suorum exemplis instrutus, qui de vicariatu Episcoporum Thessalonicensium ob eam ipsam causam rescriperant ad Episcopos Illyricianos, tum etiam Zozimi, qui de vicariatu Patrocli scripserat ad Episcopos per Gallias & Septem provincias constitutos, putavit scribendum esse ad Episcopos Gallicanos de vicariatu Auxanij, ut eorum consensu iste facilius uti posset ampla illa auctoritate quam ei tribuebant literæ Vigilius ad ipsum datae. *Quæ cuncta, inquit, ut fraternitas vestra melius per Dei gratiam possit implere, universis Episcopis, quibus te preeesse voluimus, auctoritatis nostræ est serie declaratum.* Extat auctoritas illa seu literæ Vigilius ad Episcopos regni Childeberti. De his autem agemus in capite sequenti. Interim hec adnorandum est necessariam tum futuram non fuisse eam præceptionem quoad Episcopos Gallicanos, si nulli alii Episcopi subjecti fuissent auctoritati Episcopi Arelatensis quam qui jam inde à temporibus Zozimi & Symmachi ad ordinationem & synodus ejusdem Episcopi pertinebant. Illi quippe sueti erant imperio Arelatensis Episcopi, neque admo-

Tom. II.

nitione ulla indigebant ut ejus iussa spectarent. Dispar ratio fuit eorum Episcoporum qui tum recenter subjiciebantur Ecclesiæ Arelatensis antistiti, ut statim dicemus.

X. Eodem porrò tempore quo generalem istam delegationem Auxanio concessit Vigilius, ei specialiter commisit causam Ioannis Presbyteri & Teredij Diaconi adversus Prætextatum. Eam causam jubet ut Auxanius cum competenti Episcoporum provinciam numero dijudicet secundum decreta præteriorum sedis apostolicae Pontificum; ratione propiciens, inquit, ne aliquem facile ex laicis ad sacerdos ordinis saltu precipiti cuiquam sacerdotum liceat aggregare. Vnde colligi debere puto vel istum Prætextatum repente ex laico promotum esse ad ordines ecclesiasticos, non præmissa annua conversione, vel, si is Episcopus fuit, aliquem laicum præcipitanter contra canones admisisse ad clericatum. Istud verò emendari petebant Ioannes & Teredius. Omnino autem persuasum habeo errare illustrissimum Cardinalem Baroniū, qui de Prætextato Rotomagensi Episcopo hec agi putat. Nam iste nondum, ut puto, erat Episcopus quum Vigilius ista scribebat. Certè nondum pulsatus erat de ullo crimen; quippe qui nonnisi post annos triginta quatuor majestatis accusatus est à Rege Chilperico; ut pluribus narrat Gregorius Turonensis lib. v. cap. xix.

CAP V T XXXVII.

Synopsis.

I. Explicanda est in hoc capite epistola generalis Vigilius de vicariatu Auxanij.

II. Vicarius ille tributus Auxano per provincias qua pertinebant ad regnum Childeberti. Enumerantur provinciae ille. Fieri id potuit ad exemplum auctoritatis Episcopi prima Iustiniane.

III. Ait Vigilius sibi in beato Petro commissum esse curam universalium Ecclesiarum. Sumpsum id ex sancto Leone. Hac persuasio altius deinde penetravit in animos Pontificum Romanorum. Hinc de cedit necessitas constituendorum per provincias Vicariorum.

IV. Emendatur & explicatur Vigilius locus quo insinuat necessitatem constitundi Vicarij. Quæ emendatio confirmatur auctoritate ejusdem Vigilius.

V. Sic vices suas Auxano committit ut nihil illi soli licere velit in iudicis causarum. Causas autem maiores referri jubet ad sedem apostolicam.

VI. Initur comparatio inter Episcopum Thessalonicensem & Arelatensem. Inbet Vigilius uti Episcopis ab Auxano evocatis ad Concilium accedant, nisi causam ob causam abesse cogantur. Personam tamen pro se mittere debent.

VII. Deformatiis accipiendis ab Episcopo Arelatensi. Errant qui putant Aurelianum non statim successisse Leonio in cathedra Arelatensi.

P